

ქალაქ ბათუმის მუნიციპალიტეტის საკრებულოს

დადგენილება №

___ იანვარი, 2020 წელი

ქალაქი ბათუმი

„ქალაქ ბათუმის მუნიციპალიტეტის მერიის პოლიტიკური თანამდებობის პირების და პროფესიული საჯარო მოხელეების თანამდებობრივი სარგოების და საშტატო ნუსხის დამტკიცების შესახებ“ ქალაქ ბათუმის მუნიციპალიტეტის საკრებულოს 2018 წლის 16 მარტის №28 დადგენილებაში ცვლილების შეტანის თაობაზე

„ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტის შესაბამისად, ქ. ბათუმის მუნიციპალიტეტის საკრებულო ა დ გ ე ნ ს :

მუხლი 1.

შეტანილ იქნეს ცვლილება „ქალაქ ბათუმის მუნიციპალიტეტის მერიის პოლიტიკური თანამდებობის პირების და პროფესიული საჯარო მოხელეების თანამდებობრივი სარგოების და საშტატო ნუსხის დამტკიცების შესახებ“ ქალაქ ბათუმის მუნიციპალიტეტის საკრებულოს 2018 წლის 16 მარტის №28 დადგენილებაში (გამოქვეყნების წყარო: საქართველოს საკანონმდებლო მაცნე, www.matsne.gov.ge, გამოქვეყნების თარიღი: 21/03/2018 წ., სარეგისტრაციო კოდი: 010320010.35.132.016376) და დადგენილების პირველი მუხლით დამტკიცებული დანართი „ქალაქ ბათუმის მუნიციპალიტეტის მერიის პოლიტიკური თანამდებობის პირების და პროფესიული საჯარო მოხელეების თანამდებობრივი სარგოები და საშტატო ნუსხა“ ჩამოყალიბდეს ახალი, თანდართული რედაქციით.

მუხლი 2.

დადგენილება ამოქმედდეს გამოქვეყნებისთანავე.

საკრებულოს თავმჯდომარე

სულიკო თებიძე

გ ა ნ მ ა რ ტ ე ბ ი თ ი ბ ა რ ა თ ი

პროექტის სახელწოდება და სათაური

„ქალაქ ბათუმის მუნიციპალიტეტის მერიის პოლიტიკური თანამდებობის პირების და პროფესიული საჯარო მოხელეების თანამდებობრივი სარგოების და საშტატო ნუსხის დამტკიცების შესახებ“ ქალაქ ბათუმის მუნიციპალიტეტის საკრებულოს 2018 წლის 16 მარტის №28 დადგენილებაში ცვლილების შეტანის თაობაზე“
ქალაქ ბათუმის მუნიციპალიტეტის საკრებულოს
დადგენილების პროექტი

ა) ზოგადი ინფორმაცია პროექტის შესახებ

ა.ა) პროექტის მიღების მიზეზი და მიზანი:

ქალაქ ბათუმის მუნიციპალიტეტის საკრებულოს 2018 წლის 16 მარტის №28 დადგენილებით დამტკიცებულია „ქალაქ ბათუმის მუნიციპალიტეტის მერიის პოლიტიკური თანამდებობის პირების და პროფესიული საჯარო მოხელეების თანამდებობრივი სარგოები და საშტატო ნუსხა, რომლის მიხედვით მერიის სტრუქტურულ ერთეულებში გათვალისწინებულია შესაბამისი სტრუქტურული ქვედანაყოფები, რომლებიც ასრულებდნენ ქალაქ ბათუმის მუნიციპალიტეტისათვის მინიჭებულ ყველა საზედამხედველო ფუნქციას. საქართველოს კანონმდებლობაში შეტანილი ცვლილების შედეგად, ქალაქ ბათუმის მუნიციპალიტეტის საკრებულოს 2019 წლის 30 ოქტომბრის N74 განკარგულებით ქალაქ ბათუმის მუნიციპალიტეტის აღმასრულებელ ორგანოს მიეცა თანხმობა არასამეწარმეო (არაკომერციული) იურიდიული პირის „ბათუმის მუნიციპალური ინსპექცია“ დაფუძნებაზე და ამ მიზნით შესაბამისი ღონისძიებების განხორციელებაზე. არასამეწარმეო (არაკომერციული) იურიდიული პირის „ბათუმის მუნიციპალური ინსპექციის“ შექმნის შედეგად გაერთიანდა ყველა კერძო სამართლის იურიდიული პირის და მთლიანად მუნიციპალიტეტისათვის კანონმდებლობით მინიჭებული ყველა საზედამხედველო ფუნქცია. გამომდინარე აქედან, ქალაქ ბათუმის მუნიციპალიტეტის მერიის პოლიტიკური თანამდებობის პირების და პროფესიული საჯარო მოხელეების საშტატო ნუსხიდან ამოღებულ უნდა იქნას სტრუქტურულ ერთეულებში არსებული ყველა ის სტრუქტურული ქვედანაყოფი, რომლებიც ასრულებენ მუნიციპალიტეტისათვის მინიჭებულ ყველა საზედამხედველო ფუნქციას.

ასევე, ქ. ბათუმის მუნიციპალიტეტის მერიის შიდა აუდიტის სამსახურის უფროსის 2020 წლის 13 იანვრის N189-25 მოხსენებითი ბარათის შესაბამისად, არსებული ფუნქციონალური (მაღალი პრიორიტეტულობის) დატვირთვისა და პასუხისმგებლობის მაღალი სტანდარტის გათვალისწინებით, ამასთანავე მოქმედ საკანონმდებლო მოთხოვნებთან შესაბამისობის უზრუნველსაყოფად, ხდება შიდა აუდიტის სამსახურის რეკომენდაციების მონიტორინგის განყოფილების მეორე კატეგორიის უმცროსი სპეციალისტის საშტატო ერთეულისათვის (ამჟამად ვაკატურია), მესამე რანგის - მესამე კატეგორიის უფროსი სპეციალისტის კატეგორიის მინიჭება. რომელიც უზრუნველყოფს რეკომენდაციების მონიტორინგის მიმართულებით შიდა აუდიტის სამსახურის ორგანიზაციულ გამართულობას და ფუნქციონალურ გამდიერებას.

ა.ბ) პროექტის ძირითადი არსი:

წინამდებარე პროექტის მიღების ძირითადი არსია „ქალაქ ბათუმის მუნიციპალიტეტის მერიის პოლიტიკური თანამდებობის პირების და პროფესიული საჯარო მოხელეების თანამდებობრივი სარგოების და საშტატო ნუსხის დამტკიცების შესახებ“ ქალაქ ბათუმის მუნიციპალიტეტის საკრებულოს 2018 წლის 16 მარტის №28 დადგენილებაში ცვლილების შეტანა, რომლის მიხედვით:

ქალაქ ბათუმის მუნიციპალიტეტის მერიის ქალაქგანვითარებისა და ურბანული პოლიტიკის სამსახურიდან ამოღებული იქნება „საპროექტო და სამშენებლო ზედამხედველობის განყოფილება“, 11 (თერთმეტი) საშტატო ერთეულით;

ქალაქ ბათუმის მუნიციპალიტეტის მერიის მუნიციპალური ქონების და სერვისების მართვის სამსახურიდან ამოღებული იქნება „ადმინისტრაციული ზედამხედველობის განყოფილება“, 5 (ხუთი) საშტატო ერთეულით;

ქალაქ ბათუმის მუნიციპალიტეტის მერიის ჯანმრთელობისა და სოციალური დაცვის სამსახურიდან ამოღებული იქნება „სანიტარიული ზედამხედველობის განყოფილება“, 3 (სამი) საშტატო ერთეულით.

შიდა აუდიტის სამსახურის რეკომენდაციების მონიტორინგის განყოფილების მეორე კატეგორიის უმცროსი სპეციალისტის საშტატო ერთეული (ამჟამად ვაკატურია) უნდა გადაკეთდეს მესამე რანგის - მესამე კატეგორიის უფროს სპეციალისტად.

ბ) პროექტის ფინანსური დასაბუთება

პროექტის მიღებასთან დაკავშირებით აუცილებელი ხარჯების დაფინანსების წყარო:

დადგენილების პროექტის მიღება არ იწვევს დამატებითი ხარჯების გამოყოფას.

ე) პროექტის ავტორი:

ქ. ბათუმის მუნიციპალიტეტის მერიის ადმინისტრაცია.

ვ) პროექტის ინიციატორი:

ქ. ბათუმის მუნიციპალიტეტის მერია.

ზ) განმარტებითი ბარათის მომზადებაზე უფლებამოსილი პირის თანამდებობა, სახელი, გვარი და ხელმოწერა:

ქ. ბათუმის მუნიციპალიტეტის
მერიის ადმინისტრაციის სამართლებრივი
უზრუნველყოფის განყოფილების უფროსი


რამაზ მამულაძე